

Áššeovddideapmi

Vuodđodokumeanta.

Jorgaluvvon dokumeanta

Vuorkááššennr. 2021/1210-6	Vuorká: 080	Áššemeannudeaddji: Nils Runar Hætta	Dáhton: 11.03.2022
--------------------------------------	-----------------------	--	------------------------------

Lávd.áššennr.	Lávdegoddi:	Čoahkkindáhton:
	Ovdagotti mearrádusevttohančoahkkin	
	Suohkanstivra	

ALMMOLAŠ GAŽADANÁIGI SUOHKANSTIVRAČOAHKKIMIS

Mearrádusdiehtu sáddejuvvo dán čujhussii:

- Vuorrasiidráđđái
- Sátnejodíheaddjái
- Suohkandirektevrii
- Suohkandirektevrra bargoveagajodíheaddjái
- Ovdánahttinjodíheaddjái
- Bálvaluskantuvrii

Čujhuvvo čuovvovážžii:

- Vuorrasiidráđi sávaldat b. 05.10.2021

Ášši duogáš:

Guovdageainnu suohkana boarrásiidráđđi lea buktán sávaldaga ásahtit almmolaš gažadanáiggi suohkanstivračoahkkimiin nu jodánit go vejolaš. Ággan dása lea ahte buot suohkana ássit galget beassat álkes ja jodánis vuogi mielde oažžut vástádusa suohkanstivrras relevántta gažaldagain. Boarrásiidráđđi lea mearridan čoahkkimis 05.10.2021 ahte sii sávvet suohkanhálddahuš guorahallá vejolašvuoda jearrat gažaldagaid suohkanstivrras. Dasto lea evttohus ássiid gažadanáiggi njuolggadusaid ovdanbukton boarrásiidráđđái čoahkkimis 23.11.2021. Ášši digaštallojuvvui dáppe ja mearriduvvui ahte ášši mañjduvvo boahhte boarrásiidráđi čoahkkimii. Dat čoahkkin ii leat vuos leamaš.

Mánnga norgga suohkanin lea guhkit áiggi leamaš vejolašvuolta jearrat gažaldagaid suohkanstivrras oassi ássiidmielváikkuheamis. Dát praktiserejuvvo iešguđetge ládje suohkanis suohkanii, muhto buot suohkanin addo suohkana ássiide vejolašvuolta váldit sárdni.

Evttohusas njuolggadusaide ássiid gažadanáigái boahttá ovdan gii sáhtta jearrat gažaldaga, man birra sáhtta jearrat gažadanáiggis, ja man ládje dan dáhkka. Áššit mat

leat suohkanstivrra áššelisttus dan beaivvi čoahkkimis, eai leat áššit maid dábálaččat sáhttá jearrat almmolaš gažadanáiggis.

Árvvoštallan:

Dákkár almmolaš gažadanáigi suohkanstivrras lea gehččiid/guldaleddjiid “gažadanboddu” ovdal go dat formálalaš suohkanstivračoahkkin álgá, ovdal go rahpat čoahkkima ja ovdal nammačuorvuma ja nu ain. Almmolaš gažadanáigi ii leat oassi suohkanstivrra formálalaš čoahkkimis ja váldo dan dihte ovdal čoahkkin julggaštuvvo lágalaččat. Jus lea dárbu, sáhttá čállit referáhta/protokolla dán čoahkkima oasis maid. Nu go namuhuvvon lea muhtin suohkanin ásahuvvon dákkár ortnet, ja njuolggadusat dan almmolaš gažadanáigái berrejit leat sierra oassin suohkanstivrra njuolggadusain. Dat mearkkaša ahte jus suohkanstivra mearrida ásahit dán, de rievdaduvvo § 22 deputašuvnnat *Felles reglement for alle politiske organ* oasi vuolde njuolggadusas *Reglement for politiske styrer, utvalg og råd* mii lea mearriduvvon suohkanstivrras 17.12.2020 áššis 77/20. § 22 deputašuvnnaid vuolde boahtá odđa 6. oassi mas leat ássiid gažadanáiggi njuolggadusat, maid suohkanstivra lea mearridan.

Mearrádusevttohus:

Suohkanstivra mearrida vuolábealde njuolggadusaid ássiid gažadanáigái mat gustojit boahte suohkanstivračoahkkima rájes. Seammas rievdaduvvo § 22 Deputašuvnnat *Felles reglement for alle politiske organ* oasi vuolde, mii lea *Reglement for politiske styrer, utvalg og råd* vuolde, mearriduvvon suohkanstivrras 17.12.2020 áššis 77/20. Odđa 6.oassi § 22 Deputašuvnnat vuolde boahtá čuovvovaččat:

Almmolaš gažadanáiggi njuolggadusat:

- a) Buohkat geat orrot Guovdageainnu suohkanis sáhttet divvut gažaldagaid sátnajođiheaddjái
- b) Suohkanstivrra lahtut ja várrelahtut eai sáhte ieža oassálastit gažadanboddui
- c) Gažaldagaid galgá čálalaččat sáddet sátnajođiheaddjái manemusat golbma beaivvi ovdal čoahkkima
- d) Gažadeaddji, dahje gažadeaddji sáttatolmmoš gii jearrá, ferte ieš leat sajis čoahkkimis vai gažaldat gieđahallojuvvo, muhto mearrida lohka go son ieš gažaldaga vai galgá go sátnajođiheaddji lohkat dan. Gažadeaddji dahje su sáttatolmmoš ferte goit leat sajis čoahkkimis go gažaldat divvojuvvo ja vástiduvvo. Jus lea guhkes mátki bohtit, de sáhttá gažadeaddji oassálastit telefavnas/digitalalaččat.
- e) Várrejuvvo gitta 30 minuhta almmolaš gažadanboddui ovdal go suohkanstivrra čoahkkin almmolaččat álgá.
- f) Gažaldagat eai oaččo leat komentára hámis.
- g) Gažaldagat ja vástádusat galget leat oanehaččat ja eai badjel golbma minuhta, oktan duogáščilgehusain. Vástádusaáigi lea maid eanemusat golbma minuhta.
- h) Sátnajođiheaddji vástida ieš dahje bivdá suohkanstivrra, suohkandirektevrra dahje eará bargi hálddahusas vástidit gažaldaga.
- i) Gažadeaddji oažžu bivdit replihka ja sátnajođiheaddji dahje dat gii vástida sáhttá vástidit replihka. Addojuvvo 1 minuhta replihkkii ja replihka vástideapmái.
- j) Gažaldagat maid ii sáhte vástidit dastánaga, manjiduvvojit boahte gažadanboddui
- k) Gažaldagat galget gustot suohkana diliide ja leat oppalaččat beroštahti suohkana

ássiide

- l) Persovnnalaš áššit ja áššit mat leat dábálaš váiddagieđahallamis, eai leat almmolaččat dahje madda gusto jávohisvuoda geatnegasvuhta eai galgga loktejuvvot dás
- m) li leat vejolaš divvut gažaldagaid áššiide mat leat suohkanstivrra áššelisttus seammá beaivvi
- n) Suohkana virgáduvvon bargit eai oaččo divvut gažaldagaid mat gullet iežaset bargosadjái
- o) Sátnejođiheaddji mearrida njuolggadusaid dulkoma
- p) Sátnejođiheaddji sáhtta hilgut gažaldagaid mat eai leat siskkobealde njuolggadusaid
- q) Jus lea plánejuvvon suohkanstivračoahkkima sáddet njuolggosáttan radio/video bokte, de dat gusto maddái gažadanboddui.